

簡

莊

疏

記

側莊疏記卷十一

海寧陳鱣譔

春秋左氏傳

隱元年傳仲子生而有文在其手曰爲魯夫人林注以手埋自然成字有若天命孔疏成季唐叔亦有文在其手曰友曰虞下不言爲此傳言爲魯夫人者以宋女而作佗國之妻故傳加爲以示異耳非爲手文有爲故魯夫人之上有爲字也又云隸書起于秦末手文必非隸書石經古文虞作尪魯作尪手文容或似之其友及夫人固當有似之者也按此所引石經古文乃魏正始三字石經也說文白部魯字下不載古文於部旅字重文尪云古文旅古文以爲魯衛之魯鱣謂旅

魯同聲通用書敘云周公既得承命旅天子之命史記同本紀作魯天子之命秦和鐘文云有受毛魯作多釐廣川書跋云魯古文旅是也庀卽虞字下亦不載古文魏石經今亦不傳賴有此疏爲證又部友重文辨云古文友大部吳字重文舛云古文如此釋名云吳虞也泰伯讓位而不就歸封於虞此虞其志也公羊定三年解虞釋文虞本或作吳音虞吳虞古通用吳古文作𠄎詩不吳不敖史記五帝紀引作不虞不驚釋文吳舊如字何承天云吳字誤當爲吳从口下大故魚之大口者名吳胡他反此音恐驚俗也鱸謂承天之言當必有據今本說文作𠄎此疏引石經又作𠄎俱轉寫形誤耳蓋手文曰魯夫人者作𠄎𠄎曰虞者作𠄎曰友者作𠄎耳

不義不暱後將崩注暱親也按說文云黏黏也从黍日聲春
秋傳曰不義不黏是黏爲正字暱爲假字也

其樂也融融注融融和樂也疏中融外洩各自爲韻按文選
思玄賦云展洩洩而彤彤舊注洩洩彤彤皆和兒李善注云
左傳曰鄭莊公入而賦大隧之中其樂也彤彤融與彤古字
通惠徵君補注亦引此并引漢穀陶碑亦以彤爲融贖謂彤
當作彤說文彤船行也从彤彡聲隸書从用之字俱从月詳
見書疏記或曰子之言則然矣但唐韻彤丑林切其如與中
彤不叶何曰玉篇彤余弓切又丑林切是以讀若融爲正音
矣古人从彡之字本讀入中類說文月部彤字下云从彡亦
聲此其明證

二年經紀裂縞來逆女子帛苜子盟于密注子帛裂縞字也
按說文云縞縞采色縞帛也帛縞也裂縞餘也既濟六四云
縞有衣袽集解盧氏曰縞者布帛端末之識也漢書終軍傳
云關吏與軍縞張晏曰縞符也書帛裂而分之若契券矣蘇
林曰縞帛邊也舊闕出入皆以傳傳煩因裂縞頭合以爲符
信也小雅都人士云亟帶而厲傳厲帶之亟者箋云厲字當
作裂是縞餘爲裂故紀裂縞字子帛裂縞公穀作履淪子帛
公穀作子伯裂履聲之轉

石碯諫曰釋文碯七略反按漢石經公羊殘字作踏說文無
碯字俗因上石字得承致誤耳

驕而不憾憾而能眡者鮮矣釋文憾本又作威同胡暗反恨

也五年同按唐石經本此作感宣十年二憾往矣成二年朝
夕釋憾初刻皆作感後乃加心旁惟昭十一年唯蔡於感尙
不加心說文感動人心也从心咸聲若作憾則是有二心矣
凡經典放此

五年經公子彊卒彊字子臧按說文云孳讀若春秋魯公子
彊彊弓弩端弦所居也从弓區聲區踣區藏匿也从匚品昭
七年傳云作僕區之法釋文引服虔云僕隱也區匿也哀十
三年經云盜殺陳夏區夫公羊作彊是彊區通用區爲藏匿
故字子臧臧卽藏之正字

五年公觀魚于棠按左氏傳明言書曰公矢魚于棠則經文
當是矢字後人因傳首云公將如棠觀魚者及陳魚而觀之

遂改經文作觀非也

七年傳及鄭伯盟歃如忘疏引服虔曰臨歃而忘其盟載之辭按說文欠部歃引作歃而忘而如古通用服本雖不作而然解話尙與許合杜注志不在于歃血竟作如字讀疏反難服以申杜非也

六年傳如農夫之務夫草焉芟夷蕪崇之注芟刈也夷殺也按說文址部芟目足踏夷艸从艸从受春秋傳曰芟夷蕪崇之芟从艸从受按艸者足刺艸也从受者以受殺艸目足踏夷艸謂芸田以手除艸而以足踏艸入泥中也夷卽蕪之假字秋官雉氏鄭注蕪書或作夷玄謂讀如鬢小兒頭鬢之蓋夷弟聲近讀攷說文雉古文从弟作雉或从弟作鷓此其

證也。薙字注引傳文同。

桓二年傳藻率鞞鞞注藻率以韋爲之所以藉玉也鞞佩刀
削上飾鞞下飾疏服虔以藻爲畫藻率爲刷巾杜以藻率爲
一物者以拭物之巾無名率者服言禮有刷巾事無所出云
云按服說是也藻爲璪之假字率乃帥之假字說文巾部云
帥巾也从巾自睨帥或从兌聲蓋率訓捕鳥畢率帥之字本
作術說文行部云術將衛也从行率聲古多用率字知術率
帥睨皆通不得如孔疏云拭物之巾無名率者也疏又云鞞
鞞佩刀削之飾鞞鞞二名明節有上下先鞞後鞞故知鞞爲
上節鞞爲下節劉君以毛詩下曰鞞上曰率而規杜氏但鞞
鞞或上或下俱是無正文不可以規杜過也按鞞鞞當作鞞

琫小雅云鞞琫有秘毛俶鞞容刀鞘也琫上飾秘下飾大雅云鞞琫容刀毛傳上曰琫下曰鞞說文云鞞刀室也琫佩刀上飾秘佩刀下飾釋名云琫奉也奉束口也琫卑也直下之言也皆與毛傳合杜注互失宜爲劉君所規疏乃曲意回護非也

六年傳云使遠章求成焉按潛夫論志姓氏云蚤冒生蔦章者王子無鈞也令尹孫叔敖者蔦章之孫也說文云蔦艸也从艸無聲無遠字襄十五二十二年傳蔦子馮俱作蔦惟二十五年傳作遠五經文字云蔦春秋傳及釋文或作遠與蔦同非

鄭太子忽帥師救齊按說文云囙出氣詞也从日象氣出形

春秋傳曰鄭太子囙是囙爲正字隸變爲習又假用忽論語
仲忽漢書人表作中留師古曰留與忽同

謂其不疾瘕蠡也釋文蠡說文作瘕云瘕瘕皮肥也按今本
說文無瘕瘕字惟瘕字下云小瘕也一曰瘕累徐鉉曰今別
作瘕蠡非是是說文本作瘕累疑釋文誤

嘉粟旨酒注嘉善也粟敬謹也疏劉炫以粟爲穉兒而規杜
過於理恐非饋謂上文博碩肥腴絜粢豐盛俱指所奉之物
而言何至酒醴忽加敬謹之心大雅云實穎實粟正嘉粟之
明證若如疏言詩與田事相類故粟爲穉兒此粟與嘉美旨
酒相類故粟爲敬謹之心是俱之甚凡詩言爲酒無不與田
事相類如十月穫稻爲此春酒萬億及秭爲酒爲醴劉訓粟

爲穗兒而規杜過於理爲當孔復以論語使民戰粟與此相似何其迂回而難通乎

周人以諱事神名終將諱之釋文周人以諱事神名絕句眾家多以名字屬下句按名字屬下句是也名終將諱之猶曲禮云卒哭乃諱也

十年傳齊人餼諸侯按說文氣饋客芻米也从米气聲春秋傳曰齊人來氣糲或从既餼或从食是餼卽氣之重文惠徵君補注失引

十二年傳使伯嘉謀之注謀伺也按謀當訓爲閒也莊二十年傳謀告曰注閒也是矣說文云謀謀軍中反閒也夏官環人云搏謀賊鄭注謀賊反閒爲國賊又宣八年傳晉人獲

秦謀注往來閒謀者今謂之細作人郭注釋言亦云謀今之細作也

莊四年傳卒於楸木之下杜注楸木木名釋文楸朗蕩反莫昆反又武元反疏此字之音或爲曼或爲朗若以兩爲聲當作曼以兩爲聲當作朗字體難定或兩爲之音杜直云木名不知木何所似木有似榆者俗呼爲朗榆蓋爲朗也按說文楸松心木从木兩聲無从兩之字中山經云橐山多楸木亦卽楸之誤淮南墜形訓云泥涂淵出楸山高注楸讀如人楸之楸漢書西域傳云烏孫國山多松楸師古注楸木名其心似松蓋本于說文蓋當時左傳本楸字有壞體作柄者遂有兩讀釋文兼存其音孔疏兩歧其說廣韻養部遂收柄字釋

爲松脂則仍是楠字舊訓耳

除道梁澁注澁水在義陽厥縣西東南入鄖水釋文澁高貴鄉公音則嫁反水名字林音壯加反疏釋例曰義陽厥縣西有澁水原出縣北從縣西東南至隨縣入鄖水杜以澁解澁蓋聲相近而字轉耳按說文澁水在漢南从水差聲荊州浸也春秋傳曰修涂梁澁夏官職方云豫州其浸波澁鄭注引春秋爲證但澁本豫州浸而此云荊州疑周禮有異本至疏引釋例作澁則轉寫之誤耳

二十四年傳女擊不過榛栗棗脩杜注榛小栗疏先儒以爲栗取戰栗也棗取其早起也脩取其自修也惟榛無說蓋以榛聲近虔取其虔於事也按說文棗實如小栗从木辛聲春

秋傳曰女摯不過業粟是業爲正字榛爲假字業从辛聲女
摯取其當辛勤也若如孔疏榛聲近虔下云告虔兼四物言
之不獨榛也

三十二年傳見孟任從之闕而以夫人言許之注闕不從公
按說文云闕閉門也从門必聲春秋傳曰闕門而與之言與
傳文不合傳文闕自爲句說文闕字下引國語闕門而與之
言蓋涉彼致誤

閔元年傳魏大名也服虔曰魏喻巍巍高大也按說文魏高
也从鬼委聲魏志文帝紀注大史丞許芝條魏代漢見讖緯
于魏王曰易運期讖曰鬼在山禾女連王天下則从鬼可知
漢嶽山亭碑亦尙作魏衡方張平子楊震孔宙等碑則變作

魏然猶有山字在下惟魏大饗直書作魏服虔蓋因當時行
本作魏故據古證俗耳

二年傳鶴有棗軒者注軒大夫車疏引服虔云車有藩曰軒
按說文軒曲輶藩車是服說所本一切經音義引輶類云軒
安車也曲禮云大夫七十而致仕行役以婦人適四方棗安
車下云歸夫人魚軒傳二年云棗軒者三百人皆車之有藩
也

公衣之偏衣注偏衣左右異色其半似公服按史記注及御
覽引服虔曰偏衣偏裳之衣偏異色駁不純裳在中左右各
異故曰偏按晉語云衣之偏裳之衣韋注裳在中左右異故
曰偏與服說同並較杜注爲長

傳四年傳爾貢包茅不入王祭不共無以縮酒按說文云昔禮祭束茅加于裸圭而灌鬯酒是爲昔象神歆之也一曰昔榼上塞也从酉从艸春秋傳曰爾貢包茅不入王祭不供無以昔酒是昔正字縮爲假借同聲天官甸師云祭祀共蕭茅注鄭大夫云蕭字或爲昔昔讀爲縮束茅立之祭前沃酒其上酒滲下去若神飲之故謂之縮縮滲也

一薰一蕕注薰香艸蕕臭草按內則鄭注引作一薰一廂說文云廂久屋朽木从广酉聲周禮曰牛夜鳴則廂臭如朽木引周禮見天官內饔鄭司農曰廂朽木臭也說文云蕕水邊草也从艸猶聲釋艸云昔蔓于郭注多生水中一名軒子江東呼昔昔卽蕕之省皆不言其臭蕕爲香艸廂爲朽木借蕕

爲廌則可但不必如孔疏所云二字皆從艸知是香艸臭艸以曲護杜注也

四年傳云與犬犬斃與小臣小臣亦斃按說文云斃頓仆也从犬斃聲春秋傳曰與犬犬斃重文斃云斃或从夂今本作斃从或體字也釋訓云斃踣也亦从夂

五年傳諺所謂輔車相依玉篇引作輔車按說文云輔頰也从面甫聲易咸上六云咸其輔頰舌釋文輔虞本作輔

九年傳云以是藐諸孤注言其幼賤與諸子縣藐補注引字林曰藐小兒笑也顧君訓藐爲小亦未當按文選寡婦賦云孤女藐焉始孩李善引此傳及注又引廣雅曰藐小也字林曰孩小兒笑也俗本脫去孩字惠君遂沿其誤任子田字林

攷逸因之不知字林之訓卽說文咳字之訓與藐字無涉未
若顧君本廣雅訓小爲當也又按藐依說文當作藐

十一年傳云受玉情孔疏執玉卑替其職也按說文云情不
敬也从心湄省聲春秋傳曰執玉情重文情云情或省自情
古文是作情者从省也

十五年傳秦穆姬屬賈君焉注賈君晉獻公次妃賈女也按
晉語唐尙書注賈君申生妃故僖十年傳云夷吾無禮惠君
頗取其說但僖十年傳疏引賈達云烝于獻公夫人賈君故
曰無禮則非申生之妃夫烝于賈君無禮之甚何必申生妃
乎莊二十八年傳云晉獻娶于賈言娶則是正妃故賈注云
獻公夫人不當如杜注作次妃孔疏云別有所見恐終是杜

誤耳

使以免服衰經道且告疏傳文于此或有曰上天降災使我
兩君相見不以玉帛而以戎興若晉君朝以入則婢子夕以
死夕以入則朝以死唯君裁之左傳本無此言後人妄增之
耳今定本亦無釋文曰上天降災此凡四十七字檢古本皆
無尋杜注亦不得有有是後人加也按古本無此言後人蓋
因三十二年文嬴請三帥文七年傳穆嬴之語而妄加之耳
陸孔本俱無不知何以唐石經仍復采入自宋以來相沿不
刪耶疏引使我兩君相見不以玉帛今本同唐石經匪以玉
帛相見疏又引上文語且告夫人將以恥辱自殺今本無夫
人二字是又誤中之誤釋文四十七字亦當作四十二字

十六年經六鷁退飛過宋都釋文鷁本或作鷁疏鷁字或作鷁按說文鷁鳥也从鳥兒聲春秋傳曰六鷁退飛鷁或从鬲鷁司馬相如說鷁从交是說文並無从益之鷁今蓋因从交之鷁而誤爲鷁漢書司馬相如傳云浮文鷁張揖注鷁水鳥也亦誤以鷁誤鷁耳

公子季友卒注稱字者貴之疏季是其字友是其名猶如仲遂卒叔肸卒之類皆名字雙舉劉炫以季爲氏而規杜過非也炫云季友仲遂皆生賜族非字也按季氏友名並非其字劉說得之叔肸字向取肸蠻之義疏以叔肸名字雙舉亦非三十二年傳大司馬固諫曰杜注莊公之孫公孫固也按晉語云公子過宋與司馬公孫固相善韋注固宋莊公之孫大

司馬固也是大司馬名固無疑據史記宋世家此諫詞及下
司馬子魚俱一人之言古者名字相配公孫固當字子圉傳
云亦聊以固我圉故名固字子圉魚圉同聲假借其爲一人
無疑

二十三年傳曹共公聞其駢脅欲觀其裸浴薄而觀之注薄
迫也駢脅合幹釋文聞其駢脅絕句欲觀絕句一讀至裸字
絕句疏斷其裸以上爲句按當从一讀至裸字絕句晉語云
重耳過曹聞其駢脅欲觀其狀止其舍謀其將浴設微簿而
觀之韋注駢并幹也微蔽也簿簾也說文駢并骨也从骨并
聲晉文公駢脅與晉語合傳作駢假字也薄而觀之當从晉
語作設簿爲是不當如杜本作薄訓迫也

二十四年傳臣負羈縲杜注縲馬韁按說文云縲系也从系
世聲春秋傳曰臣負羈縲或从某說文無縲字五經文字
云縲本从世緣廟諱偏旁今經典共遵準式例變

二十四年傳好聚鵠冠注鵠鳥名聚鵠羽以爲冠非法之服
按說文鵠知天將雨鳥也从鳥喬聲禮記曰知天文者冠鵠
漢書五行志注引逸周書曰知天文者冠述匡謬正俗云子
臧好與術士游續漢輿服志云知天文者冠述知地理者履
緹述卽鵠之假字然則好聚鵠冠謂好聚冠鵠冠之術士故
下云服之不衷又云不稱也

二十四年傳天子有事禘焉釋文禘周禮又作緝字按說文
云緝宗廟火孰肉从彡番聲春秋傳曰天子有事緝焉以饋

同姓諸侯玉篇籒或作膳春官大宗伯以膳膳之禮親兄弟之國鄭注膳膳社稷宗廟之內以賜同姓之國同福祿也與說文合是饋同姓諸侯俾籒而異姓之尊者閒亦與焉或疑左傳原文云宋先代之後于周爲客云云此籒明饋異姓諸侯疑說文同姓之誤非也

二十六年傳室如縣磬注如而也居室而資糧縣盡釋文磬亦作磬盡也疏服虔云言室屋皆發撤椽椽在如縣磬孔晁曰縣磬但有桷無覆蓋杜以下云野無青草言在野無青草可食明此在室無資糧可敵故改如爲而言居室而資糧縣盡劉炫云如磬在縣下無粟帛劉乃以服義規杜非也按服說是也攷工磬氏云倨句一矩有牛其博爲一股爲二鼓爲

三蓋古者者本直縣屋之但有椳椳與縣著正相似言其室之破而野之荒也

二十八年傳楚子伏己而鹽其腦建安本伏字絕句則己音以岳本澤熙本己絕句則己當音紀釋文不云音紀當以楚子伏爲句下文吉我得天楚伏其罪吾且柔之矣蓋楚子伏故云伏其罪己而鹽其腦故云我且柔之然杜注晉侯上向故得天楚子下向故伏其罪腦所以柔物則亦以伏己絕句鹽其腦者杜注鹽噍也疏鹽之爲噍未見正訓蓋相傳爲然服虔曰如俗語相罵之噍女腦矣按鹽爲鹽之假字噍爲嗜之俗字說文嗜廉也莊子天運查蟲嗜膚則通昔不寐矣鹽其腦如蟲之嗜人也潛夫論夢列篇云晉文公於城濮之戰

夢楚子伏己而豎其鬚是大惡也及戰乃大勝此謂極反之夢也

鄉役之三月注鄉猶屬也釋文鄉本又作鄉同按說文屬不久也从日鄉聲春秋傳曰屬役之三月不久之訓最確蓋本諸賈君也

楚子玉自爲瓊弁玉纓注瓊玉之別名郊特性疏引服注謂馬飾按說文璿美玉也从玉睿聲春秋傳曰璿弁玉纓文選西京賦亦作璿弁辭注弁馬冠也又髦以璿玉作之纓馬鞅也以玉飾之與服注合

三十年傳焉用亡鄭以倍鄰杜注倍益也按注則傳文當作陪唐石經及宋本皆作陪方與下鄰之厚合

以爲東道主按南史王僧辯傳云僧辯謂沈炯曰魯晉州亦是東道主人蓋用左傳語世俗遂謂作主人者曰東道不知鄭在秦東故曰東道後漢書光武紀云謂耿弇曰是我北道主人北魏書孝武紀云謂咸陽王曰昨得汝主簿爲南道主人則南道北道俱可稱主人也

行李之往來供其乏困杜注行李行人按晉語行理以節逆之賈逵云理吏也小行人也李理二字通用管子書大理皆作大李漢書藝文志云黃帝李法一篇師古曰李者法官之號北史序傳李氏先爲堯之理官因以爲氏資暇錄古文使字作李左傳乃是使字此說非也

三十二年傳召孟明西乞白乙杜注孟明百里孟明視西乞

西乞術白乙白乙丙按視字孟明取視曰明也術字乞月令
審端徑遂術與遂通取遂其所爲與冉求字有同也丙字
乙乙丙皆取干名與鄭石癸字甲父楚公子壬夫字子辛術
夏戊字丁同義

孟子釋文本或作孟芍按唐石經初刻作孟芍磨改作子百
里視字孟明故呼爲孟芍

三十三年傳鄭之有原圃猶秦之有具圃也杜注滎陽中牟
縣西有圃田澤高注淮南地形云原圃在今河南中牟具圃
在馮翊池陽一名陽汧

文四年傳臣以爲肆業及之也注肆習也釋文肆又作肆疏
說文肆訓陳字从聿聿聲肆訓習字从聿彡聲古書經傳所

作字皆同耳按說文肆極陳也从聿聿聲鬣或从彭鬣習也从聿帚聲隸籀文鬣肆篆文鬣此傳作肆用篆文也釋文及疏俱不明晰又說文聿手之走巧也从又持巾業爲聿之假字或曰爾雅大版謂之業則肆業之字本作業亦通

諸侯敵王所愾注愾恨怒也按說文釁怒戰也从金氣聲春秋傳曰諸侯敵王所釁杜訓恨怒戰雖本說文然怒戰較切僖二十二年傳金鼓以聲氣也故从金氣聲兼會意

六年傳道之禮則今本之字下有以字則字屬下句按則法也道之禮則與上十句文法相同唐石經無以字後人加以字遂以則屬下句非也

十一年經叔仲彭生會晉卻缺于承筐釋文本或作叔彭生

仲衍字按唐石經宋澤化本俱無仲字卽十四年經叔彭生
帥師伐邾者承筐唐石經宋岳氏本俱作匡襄三十年傳引
此事監本作承匡不當歧出

十一年傳至于錫穴釋文錫音陽或作錫星歷反按唐石經
宋岳氏本廖氏本俱作錫漢書地理志云漢中郡錫應邵曰
音陽師古曰卽春秋所謂錫穴續漢郡國志云漢中錫阿春
秋曰錫穴

十二年傳交綏疏魏武令引司馬法云將軍死綏舊說綏卻
也言軍卻將當死綏必是退軍之名綏訓爲安蓋兵書務在
進取恥言其退以安行卽爲大罪故以綏爲名焉按說文义
行遲曳义义象人兩脛有所躑也玉篇云义行遲兒詩云雄

狐父父今作綏是綏爲父之假字舊說訓卻必是買服古注疏以綏訓爲安蓋不知綏之本作文也

兩君之士皆未愁也按說文云愁閉也謹敬也从心棘聲一曰說也一曰且也春秋傳曰昊天不愁又曰兩君之士皆未愁

十三年傳繞朝贈之以策注策馬搯疏服虔云繞朝以策書贈士會按說文策訓馬壘然冊書多借用策聘禮記云百名以上書于冊不及百名書于方中庸作布在方策蓋冊古文作篇从竹以策形近此下曰子無謂秦無人吾謀適不用也卽策中之文白氏六帖引注云以有策而不用也文心雕龍云春秋聘繁書介彌盛繞朝贈士會以策子家與趙宣以書

蓋用服注

十八年傳云昔高陽氏有才子八人蒼舒檮戴按說文云戴長槍也从戈寅聲春秋傳有檮戴搯手推也从手置聲一曰桀也是搯戴之名蓋取手擎槍之意潛夫論五德志云檮戴亦从手今作檮杌之檮非也

謂之檮杌史記史解引賈注檮杌頑凶無匹之兒謂繇也按說文云檮斷木也从木鬲聲春秋傳曰檮杌杌斷也从木出聲讀若耐雅猶無前出之豸出兀形聲相近致誤也孟子云楚之檮杌趙注檮杌豈凶之類亦當作檮杌蓋取斷木之槲頭爲惡名也

謂之饕餮史記集解引賈注貪財爲饕貪食爲餮昭九年傳

疏引先儒說饗養三苗也按說文饗食也从食號聲飪食也从食殄省聲春秋傳曰謂之饗飪今作養从殄不省呂氏春秋云周鼎饗養有首無身食人未咽害及其身蓋取貪食之獸爲惡名也

宣二年傳其御羊斟不與又云見叔牂日子之馬然也注叔牂羊斟也按注與疏引鄭環說同淮南繆稱訓云魯酒薄而邯鄲圍羊羹不斟而宋國危錢詹事養新錄遂疑斟爲斟酌之斟當以羊爲其御之名斟不與三字爲句釀攷濟夫論衰制篇宋羊叔牂所以弊華元于鄭師則羊斟是姓名而其字叔牂也淮南說疑有誤字

宣二年傳文馬白駟注畫馬爲文按說文駸馬交鬣編身目

若黃金名曰吉皇之樂周文王時犬戎獻之从馬从文文亦
聲春秋傳曰文馬百駟畫馬也西伯獻紂以全其身淹周書
王會云犬戎馮馬赤鬣縞身目若黃金名吉黃之乘蓋馬之
名馮者本赤鬣縞身此畫作馮馬之形故說文引春秋傳曰
加畫馬也二字不然馬自吉黃之乘百駟乎

于思于思注于思多鬚之兒釋文于思如字又西才反多須
兒買達云白頭兒須脩于反又作鬚按詩瓠葉云有兔斯首
鄭箋斯白也今俗語斯白之字作鮮齊魯之間聲近斯疏服
虔以于思爲白頭兒兒字雖異蓋亦以思聲近鮮故爲白頭
也醴謂易說卦傳云其於人也爲寡髮釋文寡鄭本作宣虞
翻同與爲白故宣髮馬君以爲寡髮非也思斯鮮宣同聲通

用鮮聲近斯宣聲亦近思可證于思之爲白髮疏乃云成十
五年華元爲右師距此三十二年計未得頭白故杜以爲多
鬢兒夫古人固有早衰如顏淵三十髮白之類安見其未得
頭白而欲破賈服舊說乎

其右提彌明知之釋文提本又作祇上支反按公羊傳作邴
是氏古通用五是來備亦作五氏魏是儀亦作一儀易祇旣
平釋文祇字作禔

遂扶以下公嗾夫葵焉釋文扶服虔注作跣云徒跣也今杜
注本往往有作跣者嗾服本作嘷疏服虔本扶作跣注云趙
盾徒跣而下走杜本作扶言扶盾下階也服虔云嗾嘷也夫
語詞葵犬名公乃嘷夫葵使之噬盾也是服本扶作跣嗾訓

馭非作馭扶公羊傳亦作跣正不得破服以從杜矣說文云
馭使犬聲从口族聲春秋傳曰公馭夫葵無馭字服蓋以俗
證之

三年傳余爲伯儵賈注姑南燕祖按說文姑黃帝之後百鯀
后稷妃家也晉語云黃帝之子得姓者十四人姑其一也是
儵爲正字變體作鯀今作儵誤

四年傳汰駟及鼓跗駟車轅汰過也按汰唐石經作汰說文
云汰浙澗也从水大聲爾雅釋詁云汰墜也郭注水落兒此
當從爾雅訓汰爲墜昭二十六年傳云汰駟匕入者三寸杜
注汰矢激亦有墜義也跗當作柎說文云柎闕足也从木付
聲虞鐘鼓之柎也是卽鼓柎之證疏云車上不得置龔龔以

縣鼓故爲作跗若殷之楹鼓也非

楚人謂乳穀謂虎於菟唐石經作楚人謂乳爲穀謂虎爲於菟按說文穀乳子也从子穀聲廣雅云穀生也是穀爲正字又虎虎文也象形讀若春秋傳曰虎有餘疑虎有餘卽虎於菟之異文說文云餘黃牛虎文从牛余聲讀若涂當作讀若春秋傳曰虎虎餘餘从余涂亦从余疑借餘爲涂虎爲虎文餘亦爲虎文故字曰子文此其證也餘餘形近菟餘聲近方言云虎陳魏朱楚之間謂之李父江淮南楚之間謂之李耳或謂之於魍自關東西或謂之伯都

十二年傳先穀佐之注彘季代林父釋文穀本又作穀疏服虔云食采于彘或當然也按釋文穀又作穀當作穀說文穀

小豚也从豕穀聲蓋先穀字彘季或偁彘子服說食采于彘非也

屈蕩尸之注尸止也按宋唐石經漢熙九經本游氏本岳氏本巾箱本並作尸惟建安本作尸相沿遂誤漢書王嘉傳云坐戶殿門失闕免師古曰尸止也下引左氏傳曰尸之正作戶俗本因彘子尸之又云以表尸之遂譌戶爲尸耳戶或用扈昭十七年傳云扈民無淫者也注扈止也

楚人碁之脫扈注碁教也按說文輿舉也从扈由聲春秋傳曰晉人或以廣墜楚人輿之黃顛說廣車陷楚人爲輿之杜林以爲騏磨字據此知傳作輿訓爲舉下文又輿之亦同說文碁毒也別是一義注用小爾雅訓教非也

取其鯨鯢注鯨鯢大魚也按說文鱣海大魚也从魚量聲春
秋傳曰取其鱣鯢鯨或从京漢書翟方進傳云古者明王伐
不敬取其鱣鯢師古曰鱣古鯨字

有山鞠窮乎賈注鞠窮所以禦溼按說文營營藟香草也从
艸宮聲芎司馬相如說營或从弓藟營藟也从艸窮聲鞠窮
營藟一聲之轉

十四年傳屢及於窠皇注窠皇寢門闕疏莊十九年鬻拳葬
于經皇此作窠彼作經字異音同未知孰是按高注呂覽行
論引此傳作經皇與莊十九年同

十五年傳使解揚如宋史記解揚霍人說苑奉使云解揚霍
人字子虎後世言霍虎按易云風從虎有飛揚之意故解揚

字子虎說苑蓋本史記也

十七年傳郤子登婦人笑于房注跛而登階故笑之疏沈氏引穀梁傳云魯行父禿晉郤克跛衛孫良父眇曹公子首僂故婦人笑之是以知郤克跛也穀梁傳定本作郤克眇衛孫良父跛按定本非也公羊傳云晉使跛蓋指郤克此傳云郤子登蓋惟其足跛而登故婦人笑於房則當如沈氏所引所謂三占從二也

十八年傳凡自虐其君曰弑自外曰戕注所以別外內之名疏春秋謂自內虐其君通以弑爲文也戕唐石經作自內虐其君今本脫內字詳玩注疏俱有內字

成二年傳云隕子辱矣按說文耘有所失也从手云聲春秋

傳曰扠子廢矣是傳本作扠方言云扠摸去也齊趙之總語也扠摸猶言持去也齊策云唯恐失扠之高注扠失也墨子天志云國家滅亡扠失社稷呂氏季夏紀音初云扠于漢中高注扠墜音顛隕之隕晏子問上篇云隕失其國亦借隕爲扠蓋假讀若之字

三周華不注注山名按不爲柎之假字十六年傳云有韎韝之跗注鄭注雜問云韎韝之不注不讀如跗跗幅也注屬也幅有屬小雅云鄂不韡韡箋云承華者曰鄂不當作柎柎鄂足也鄂足得華之光明則韡韡盛古聲不柎同此華不注蓋山如筓足之相注故名詳詩疏記

且辟左右唐石經宋淳化本俱作旦辟按此夢中之言與旦

召六卿且占諸史墨且而求之曹且而皆召其徒同義

韓厥執繫馬前注繫馬絆也按說文屬絆馬也从馬口其足
春秋傳曰韓厥執羸馬前讀若輒繫羸或从糸執聲此从或
體穀梁傳云繫者何也曰兩足不相過也齊謂之綦楚謂之
跗衛謂之繫

八年傳以其田與祁奚高注呂氏春秋開春云祈奚高梁伯
之子祈黃羊也又注去私云黃羊晉大夫祈奚之字按祁祈
通用說文奚大腹也从方絲省聲播黃腹羊也从羊番聲釋
畜云播羊黃腹郭注腹下黃蓋取黃腹羊之意故名奚字黃
羊也

十年傳子如立公子縹杜注子如公子班按易屯初六云乘

馬班如釋文引馬云班班旋不進也班如鄭本作般班般同聲假借說文又引作棊馬驢如公子班字子如當是周易作班如也

十三年傳能者養之以福杜注養威儀以致福疏養其威儀禮法以往適于福按傳文當作養以之福與下句敗以取禍注中致字疏中往適卽之字義也漢書五行志引此亦作能者養以之福師古曰之往也是唐以前本俱不誤今本到作之以非也

戮力同心釋文戮力相承音六稽康力幽反呂靜字韻與颺同字林音遼按唐石經宋淳化本俱作勦說文云戮并力也从力彡聲中山策云勦力同憂高注勦力勉力也今本誤作

戮稽呂音讀皆非

十六年傳楚子登巢車以望晉軍注巢車車上爲櫓釋文巢說文作輶云兵車高如巢以望敵也字林同櫓音魯疏說文作輶云輶兵高車加巢以望敵也櫓澤中守艸樓也是巢與櫓俱是樓之別名按今說文輶兵高車加巢以望敵也从車巢聲春秋傳曰楚子登輶車輶澤中守艸樓从木巢聲說文輶下注當从釋文作兵車高如巢今本爲後人依疏中所引誤改但注疏及釋文俱誤以輶爲櫓說文云櫓大盾也从木魯聲櫓或从鹵櫓與輶無涉且輶與輶亦有別傳文作巢乃輶省彼不能定爲輶而誤以輶之訓詁相溷又轉誤爲櫓也十八年傳以塞夷庚注夷庚吳晉往來之要道疏夷平也詩

序云由庚萬物得由其道是以庚爲道也按文選補亡詩云
蕩蕩夷庚物則由之注引繁欽辨惑曰吳人者以船楫爲輿
馬以巨海爲夷庚臧榮緒晉書曰司徒王謚議曰夷庚未入
乘輿旋館陸機辨亡論曰旋皇輿於夷庚庚爲阮之假字說
文云阮闔也闔門高也巴郡有闔中縣管子度地篇云城外
謂之郭郭外謂之士闔是夷庚乃平原高處小爾雅云庚道
也蓋望文生義耳

襄元年經楚公子壬夫匡謬正俗云楚公子王夫字子辛今
之學者以其字子辛遂改王夫爲王夫惠徵君補注楚有公
子午字子庚庚是十幹午是十二支法有相配辛壬同是十
幹與庚午不類當依本字讀爲王夫按古人名字不必幹支

相配壬夫字子辛與白乙名丙同例作壬夫爲是匡謬之說
固謬補注附會亦非

三年傳赤也可注赤職之子伯華按赤色之華美者周人尙
赤故名赤字伯華公西赤亦字子華也

四年傳生澆及豷按說文昇嫪也从頁从夂亦聲虞書曰
無若丹朱昇讀若傲論語曰昇盪舟今書作傲蓋假用讀若
之字論語作昇與說文合然說文于豷字下云豷豕息也从
豕壹聲春秋傳曰生敖及豷蓋許君所據尙書論語俱作昇
而左傳作敖也管子宙合云若敖之在堯漢書劉向傳引書
亦作敖今本左傳又作澆蓋昇敖傲澆四字同聲通用也

敗於狐貍按檀弓作臺貍篆臺壺字相似壺又與狐通故傳

作狐駘淮南地形志沂出臺台駘又省作台也

九年傳陳舂揭注舂簣籠揭土舉疏說文云揭戟持也戟持者執持此輦其臂如戟形故也其字從手謂以手持物也按漢書五行志引此傳云陳舂葦是葦爲正字溝洫志云山行乘揭揭卽葦字之變體史記河渠書云山行則揭葦昭曰揭器如今舉牀人舉以行也夏本紀作椹椹舉俱葦之別字今左傳作揭是又揭字轉寫之誤唐石經尙作揭孔作書疏以爲揭葦本一字而此疏云其字從手何耶

秦景公使士鴉乞師于楚釋文鴉苦田反按說文鴉石鳥也一名雛騾一名精剗从佳开聲春秋傳秦有士鴉廣雅云鴉鳥精列也又云雛騾鴉也並本說文今本說文鳥脫石字廣

雅礪卽石之別字也

十年傳邠人紇抉之以出注紇邠邑大夫仲尼父叔梁紇也
邠邑魯縣東南莖城是也言紇多力抉舉縣門出在內者按
說文邠魯下邑孔子之鄉从邑取聲水經注引此作鄆蓋同
論語假鄆爲邠紇爲仡之假字秦誓云仡仡勇夫仡爲高大
故字叔梁說文紇絲下也引春秋傳臧孫紇不引邠人紇可
證抉之以出疏引服虔云抉斲也謂以木槩抉縣門使舉令
下容人出也門者下屬爲句較杜爲長

親受矢石注躬在矢石閒疏服虔云古者以石爲箭鏃引國
語有隼集于陳侯之庭楛矢貫之石矐以證石爲箭鏃則猶
是矢也何須矢石並言杜言在矢石閒則不以石爲矢也按

後漢堅鐔傳云輒先當矢石注謂發石以投人也此以石爲矢之證疏護杜以破服非也

筆門闔竇之人釋文闔本亦作圭按說文引作筆門圭竇與儒行同鄭注圭竇門旁竇也穿牆爲之如圭矣今本作闔竇俱假借字也

窀穸之事注窀厚也穸夜也厚夜猶長夜按說文窀葬之厚夕也从穴屯春秋傳曰窀穸從先君子地下穸窀穸也从穴夕聲疏但引說文穸字之訓惠君補注遂以云說文無窀字明不从穴蓋偶失檢也孔宙碑云窀夕不華从省

十七年傳閉門而詢之注詢罵也按說文詬譏詬恥也从言后聲詢或从句廣雅云詬罵也儒行云嘗以儒相詬病鄭注

詬猶恥辱也荀子解蔽云厚顏而忍詬楊注詬罵也離騷云
忍尤而攘詬之王注詬辱也後漢鄧禹傳云康聞詬之注詬
罵也淮南汜論云忍詢而輕辱高注詬讀夏后氏之后是詬
詢同字昭十三年傳云詬天而呼釋文詬本又作詢哀八年
傳云曹人詬不行注詢罵辱也仍作詬

國人逐瘕狗瘕狗入於華臣氏釋文瘕字林作狝九世反狂
犬也按說文狝狂犬也从犬折聲春秋傳曰狝犬入華臣氏
之門呂覽首時淮南汜論漢書五行志並作獬論衡感類與
此傳同作瘕假借字

澤門之皙釋文澤門本或作臬門者誤詩縣疏引作臬門之
皙漢孫叔敖碑云收九罕之利罕又臬之別字

十八年傳有班馬之聲注夜遯馬不相見故鳴班別也按釋言云般還也郭注引此傳作般屯六二云乘馬班如釋文引馬云班班旋不進也班如鄭本作般是班爲般之假字當訓作還杜注非也

斬其櫛以爲公琴注櫛木名按說文櫛椀也从木筍聲北山經云繡山其木多櫛郭注木中枚也音苟疑卽櫛之省十九年傳鄭游販將如晉遭逆妻者奪之以館於邑其夫攻子明注游公孫蠆子按說文云販多白眼也从目反聲春秋傳曰鄭游販字子明蓋多白眼而能明視故販字子明

二十二年傳與執燔焉釋文燔又作臚按說文燔宗廟火孰肉从彡番聲春秋傳曰天子有事燔焉以饋同姓諸侯燔蒸

也从火執聲是傳當作燔借用燔僖二十四年及成十三年傳皆作燔春官大宗伯賑燔孟子燔肉並燔之誤

二十三年傳杞殖華還下云華周對曰注華周卽華還說苑善說篇立節篇雜言篇俱作華舟漢書人表華州師古曰卽華周是周又作舟州亦同聲假借也又云獲杞梁注杞梁卽杞殖按孟子云華周杞梁之妻趙注華周華旋也杞梁杞植也是華周字旋取周旋之意杞梁字植取植木建梁之意旋還植殖同聲假借

夜入且于之隧注且于隧狹路按檀弓云齊莊公襲莒于奪鄭注引此傳云隧奪聲相近蓋隧奪一聲之轉猶遂之借用術也此疏云奪地非此且于隧以破鄭說是不明古音妄生

異議也

二十四年傳象有齒以焚其身注焚斃也釋文服云焚讀曰
債債偃也按爾雅云債偃也舍人注背踏意也郭注卻偃說
文云債偃也从人賁聲賁讀若賁鼓之賁與焚同聲故焚讀
曰債昭十三年傳云牛雖瘠債于豚上是象債身之證也

輔燮釋文燮本又作櫟按說文云櫟動也从尗樂聲讀若春
秋傳曰輔櫟石鼓文云多庶櫟櫟是櫟爲正字櫟爲假字燮
爲刑字也

部婁無松柏注部婁小阜釋文婁本或作樓按說文云附婁
小土山也从自付聲春秋傳曰附婁無松柏是附爲正字晉
語云必墮其壘培方言云晉楚之間冢或謂之培又云自關

而東小者謂之塿郭注培塿亦堆高之兒廣雅云培塿豕也
培爲俗字塿爲假字釋文叟本或作樓疑作塿也風俗通義
云部者阜之類也今齊魯之閒田中少高卽名爲部矣附作
部與左傳同六書正譌隄从自仅聲非

二十五年傳陪臣干擻有淫者注干擻行夜釋文干徐讀曰
扞服音如字擻服本作誛今傳本或作誛疏服虔云一曰干
扞也擻謀也言受崔子命扞禦謀深之人有此謬說故或誤
从言也按說文云擻夜戒守有所擊从干取聲春秋傳曰賓
將擻說文不引此傳而遠引昭二十年傳明此傳不作擻當
从服說讀爲誛誛有淫者猶之謀爲不軌也疏指爲謬說非
史記齊世家徐廣作扞趣蓋假借字後人又改爲爭趣非也

以備三恪注周得天下封夏殷二王後又封舜後謂之恪并
二王後爲三國其禮轉降示敬而已故曰三恪按恪本作憲
說文云憲敬也从心客聲春秋傳曰以陳備三憲魏封孔羨
碑作三恪卽憲之隸體也郊特牲云天子存二代之後鄭注
以此謂杞宋爲二王之後薊祝陳爲三恪彼疏引熊氏云周
之三恪越少昊高辛遠存黃帝者取其制作之人故易繫辭
云神農氏沒黃帝堯舜氏作是三恪當從鄭注杜說非也

二十六年傳領之而已注領搖其頭釋文領一作領按說文
云領低頭也从頁金聲春秋傳曰迎於門者領之而已領面
黃也从頁領聲與領音義俱別玉篇引此杜注亦作領列子
天問云巧夫領其頤則歌合律殷釋文領猶搖頭也漢書揚

雄傳云頌頤折頰俱作頌但頌當依說文訓低頭殷釋文沿杜注誤也

二十七年傳伯夙謂趙孟注伯夙荀盈疏伯夙卽荀盈於傳亦無明據未測何以知之服虔云伯夙晉大夫其意以爲別有伯夙非荀盈也按盈與伯夙名字不配故服虔指之若如杜注則盈當作寅舜典夙夜惟寅

何以恤我我其收之注逸詩恤憂也按周頌云假以溢我我其收之毛傳假嘉溢慎也說文誡嘉善也从言我聲詩曰誡以溢我誡何聲近故傳作何舜典云惟刑之恤哉史記五帝紀作惟刑之謚哉莊子齊物論云以言其老洳也釋文洳本亦作溢古書篆作立心與水相近故恤誤爲洳又爲溢也

二十八年傳子雅子尾怒注二子皆惠公孫按韓非外儲云子夏子尾者景公之二弟也是雅爲夏之假字公孫竈字子夏取夏祀竈之意公孫蔓字子尾取蔓尾之意高注呂覽慎行云子雅惠公之孫公子欒堅之子竈也子尾惠公之孫公子高祈之子蔓也蓋據世本而言又按堅字欒取欒本之堅祈字高祈爲旂之假取旂干之高也

二十九年經鄭公孫段注公孫段伯石也按段當作礮說文云礮厲石也从石段聲春秋傳曰鄭公孫礮字子石大雅云取厲取礮傳礮石也釋文礮本又作礮是礮爲正字段爲省文礮爲假字也左傳鄭有公孫段字子石亦偁伯石印段字子石傳亦謂之二子石印段卽公孫段從父兄弟之子

三十年傳史趙曰亥有二首六身下二如身注亥字二畫在上并三人爲身如算家之六按說文繫傳祛妄云土勾云二萬六千六百有六勾矣今據李斯書亥字亦如此然則二畫豎則算家之二萬七曲次之則似算家之六千一象算家之六百又ノ則算家之隔位六矣鱸嘗見漢布云中布厂百壯布丁百弟布川百次布卍百蓋卽算家之六字積至九也或叫于宋大廟曰嘻嘻出出注叫呼也嘻嘻熱也出出戒伯姬按說文訓大呼也从言丁聲春秋傳曰或訓于宋大廟諛可惡之辭从言矣聲一曰諛然春秋傳曰諛諛出出是叫當爲訓諱當爲諛說文庸也从言喜聲秋官庭氏鄭注引作諱

諱諛

三十一年傳繕完葺牆李涪刊誤云文當云繕宇葺牆書云峻宇彤牆引之以爲比按說文云奠周垣也院或从自完此當爲繕完葺牆

昭元年傳及衝擊之以戈注衝衝也按說文衝交道也从行重聲春秋傳曰及衝以戈擊之今本作及衝擊之以戈誤也漢書酈食其傳云夫陳留天下之衝四通五達之郊也正作衝

周公殺管叔而蔡蔡叔注蔡放也疏說文云繫散之也从米殺聲然則繫字殺下米也殺爲放散之義故訓爲放也隸書改作己失本體繫字不復可識寫者全類蔡字至有重爲一蔡字重點以讀之者按今說文云繫繫繫散之也疏引脫二

字所云寫者全類蔡字亦非蔡乃粲之假字禹貢云二百里
蔡鄭注蔡之言散滅殺其賦亦假蔡爲粲又或作粲漢書宣
帝紀云骨肉之親粲而不殊漢紀作放而不誅明粲爲放也
山川之神則水旱癘疫之災於是乎禳之日月星辰之神則
雪霜風雨之不時於是乎禳之按說文禳設絳菹爲禳以禳
風雨雪霜水旱癘疫于日月星辰也春官大祝云一曰禳鄭
注引此傳云日月星辰之神則雪霜風雨之不時於是乎禳
之山川之神則水旱癘疫之災於是乎禳之疏鄭君所讀春
秋先日月與賈服不同說文云云是許君所讀春秋亦與鄭
同晉口家所載同于賈服

昭三年傳護鼎之銘注護鼎名也疏服虔云護鼎疾護之鼎

明堂位所云崇鼎是也一云讒地名禹鑄九鼎於甘讒之地故曰讒鼎按韓非說林云齊伐魯索讒鼎魯以其贖往齊人曰贖也魯人曰眞也是崇鼎在魯齊嘗索之故晏子得見其銘服說近之

五年傳有子家羈注羈莊公孫懿伯也荀子大略揚注子家羈公子慶之孫歸父之後名羈字駒按說文云羈馬絡頭也从网从馬羈馬絆也羈或從革是羈爲馬絡頭故其字曰駒魯世家索隱云子家駒魯大夫仲孫氏之族字懿伯是誤以諡爲字揚倂謂羈爲歸父之後則是桓公玄孫杜云莊公玄孫非

七年傳使長鬣者相注鬣須也疏吳楚之人少鬣故選長鬣

者相禮也按說文云儼長壯儼儼也从人巛聲春秋傳曰使長儼者相之是也與杜說不同許君蓋本賈君解詁也

好以大屈注大屈弓名釋文大屈弓名服同又云大曲也賈云寶金可以爲劍出大屈也按大屈疑卽鉅闕廣雅云鉅闕劍也吳越春秋闔閭內傳越絕外傳紀寶劍之名皆言鉅闕之狀荀子性惡云闔閭之干將莫邪鉅闕辟閭古之良劍也新序雜事云辟閭巨闕天下之利器也說文云鉅大剛也方言云齊宋之間謂大爲巨鉅巨通用是鉅闕卽大屈闕屈曲亦通用也

十年傳云戰于稷注稷祀后稷之處釋文稷地名六國時齊有稷下館按稷下卽棘下昭二十年傳盟于稷門之外劉向

別錄云齊有稷門口城門自釋爲齊之地名不當如杜說祀后稷之處也

十二年傳有酒如淮有肉如坻注淮水名坻山名釋文學者皆以淮坻之韻不切云淮當爲濰濰齊地水名下偃澠亦是齊水齊侯偃之荀吳旣非齊人不應遠舉齊國之水古韻緩作淮足得無勞改也按陸所指學者卽疏所引劉炫之說也但淮坻相韻可以不改陸孔駿之似矣疏又引劉氏以坻爲水中之地以規杜失爲非則未必然有肉如坻坻爲高地對下有肉如陵陵爲大自有何不可而杜以爲山名疏更以堯子觀兵於坻負之山實之耶

十四年傳司徒老祁慮癸注二人南蒯家臣疏世族譜司徒

老祁爲一人慮癸爲一人服虔云司徒姓也老祁字也慮癸亦姓氏也二子季氏家臣也是二人乃季氏家臣杜以下句請於南蒯曰臣願受盟遂以爲南蒯家臣非

十五年傳吾見赤黑之祲非祭祥也喪氛也注祲妖氛也疏服虔云水黑火赤非火相遇云云按說文云祲精氣感祥从示雙聲春秋傳曰見交黑之祲春官眠祲鄭注祲陰氣相侵漸成祥者淮南秦族云精祲有以相蕩也高注精祲氣之侵入者也

關鞏之甲注關鞏國所出鎡按說文碧水邊石从石巩聲春秋傳曰關碧之甲是鞏爲碧之別字定四年傳封唐叔以關碧並同

十六年傳云幾爲之笑而不陵我注言數見笑則心陵侮我
疏服虔云幾近也孔張失位近爲所笑近者未至之辭客曰
笑訖何言近也按釋訓云讖乞也郭注謂相摩近幾爲讖之
省故服云然杜注非

刑之頗類注緣事類以成偏頗疏服虔讀類爲類服云頗偏
也類不平也按說文云類絲節也从糸類聲絲節卽不平矣
昭二十八年傳云忿類無期亦作此解淮南汜論云明月之
珠不能無類高注盤若絲之結類也意同杜云緣事類以成
偏頗其說甚迂當用服注

子齧賦野有萋草注子齧子皮之子嬰齊也按說文齧齒參
差也从齒差聲齧筮跌兒从齒旡聲春秋傳曰鄭有子齧今

本說文作籒从佐誤也莊子盜跖云齒如齊貝嬰齊字子籒蓋相對之義楚公孫嬰齊字子重亦猶是也十九年傳云其父兄立子瑕注子瑕子游叔父駟乞按瑕爲假之假字乞字子假取乞假之義

駟氏聳注聳懼也按說文云懞懼也从心雙省聲昭六年傳云聳之以行漢書刑法志引作懞之以行晉灼曰古棟字魏都賦云懞焉相顧張注懞懞也左傳駟氏懞懼善曰張从懞先寵反是古本傳作懞也

二十年傳衛侯賜北宮喜諡曰貞子賜析朱鉏諡曰成子而以齊氏之墓予之注皆未死而賜諡及墓田傳終言之按說文云埜地相比次也衛大夫貞子名埜从土比聲是貞子名

坐或假顛字爲之又省作喜耳宋本作皆死而賜諡非

且言子石注子石公孫青疏頃公生子夏勝勝生子石青是也按秋官職金云掌凡金玉錫石丹青之戒令鄭注青空青也是青亦石之類故名青字子石勝字子夏夏大也使少寇輕以歸杜注輕華亥庶兄按說文輕牛剌骨也从牛至聲春秋傳曰宋司馬輕字牛收昭公時宋賈遂爲大司馬華貍爲少司馬前此文公十五六年閒宋華耦爲司馬輕未聞爲司馬馬字乃寇字之誤

澤之萑蒲舟鮫守之注舟鮫官名疏舟是行水之器鮫是大魚之名澤中有水有魚故以舟鮫爲官名也按說文蘄禁苑也从竹御聲春秋傳曰澤之萑蒲川蘄守之鮫或从又魚聲

今本說文舟籀誤作川籀上脫萑蒲二字下脫守之二字遂不可解蓋舟籀官名本作舟𩇛傳文轉寫作𩇛疏說穿鑿之甚月令云命舟牧覆舟亦當作舟𩇛形近致誤

若琴瑟之專壹釋文專董遇本作搏音同按說文云嫗嫗壹也从女專聲一曰女嫗嫗玉篇云嫗專一也疑董遇本作嫗管子內業史記樂書皆以嫗爲專又夏本紀棗隱搏古專字並嫗之誤

二十一年傳揚徽者公徒也注徽識也釋文徽說文作徽識本又作幟疏徽識制如旌旗書其所任之官與姓名於上被之於背以備其死知是誰之尸也按說文云徽識也以絳帛箸於背从巾微省聲春秋傳曰揚徽者公徒是徽爲正字徽

爲假字識爲正字幟爲俗字夏官大司馬云辨名號之用鄭注號名者徽識所以相別也大傳云殊徽號鄭注徽號旌旗之名也俱作徽識漢書王莽傳云殊徽幟師古云徽幟通爲旌旗之名也明用俗幟字矣軍中制徽九所以別號名疏云以備其死知是誰之尸亦是臆說

子祿御公子成注子祿向宜按詩小雅云罄無不宜受天百祿又云福祿宜之故向宜字子祿也

二十二年傳鄆胙伐皇注鄆胙子朝黨按說文云鄆周邑也从邑尋聲按鄆胙蓋周大夫食采于鄆因氏焉下二十三年傳云郊鄆潰注河南鞏縣西南有地名鄆中郊鄆二邑皆子朝所得史記張儀傳云下兵三川塞斜谷之口徐廣曰斜一

作尋成皋鞏縣有尋口水經洛水注引家相璠曰今鞏洛渡北有鄆谷水東入洛謂之下鄆故有上鄆下鄆之名亦謂之北鄆于是有南鄆北鄆之稱矣又有鄆城蓋周大鄆勝之舊邑鄆勝當作鄆胥

二十四年傳今王室實蠢蠢焉注蠢動擾兒釋詁爾雅云蠢動也廣雅云蠢亂也按說文蠢亂也从心舊聲春秋傳曰王室實蠢蠢焉一曰厚也魏石經左傳作載與古文尙書同前二十二年傳司馬督注司馬烏督爲製之假字烏爲鴉之省文蓋名製字鴉皆从衣字取義今本二十八年傳司馬烏又誤作烏非

二十五年傳云徵褻與褊注褻袴也按袴當作袴說文云褻

袴也从衣寒省聲春秋傳曰徵褻與褊方言云袴齊魯之間
謂之褊郭注傳云徵褻與褊音騫廣雅云褻謂之袴褊俱
誤

季公鳥注公鳥季公亥之兄平子庶叔父按說文云鴉短衣
也从衣鳥聲春秋傳曰有空鳥徐錯曰今春秋傳無此疑注
誤也鱣謂鳥蓋鴉之省文今本說文誤公爲空又衍一曰字
季氏介其雞郈氏爲之金距注擣芥子播其羽也或曰以膠
沙播之爲介雞疏賈逵云擣芥子爲末播其雞翼可以至郈
氏雞目是此說也鄭眾云介甲也爲雞著甲高誘注呂氏春
秋云鎧著雞頭杜又云或曰不知誰說以膠沙播之亦不可
解蓋以膠塗雞之足爪然後以沙糝之令其跽得傷彼雞也

以邠氏爲金距言之則著甲是也按鄭眾之說是況又有高誘注可證

公若獻弓於公爲注公爲昭公子務人按說文爲母猴也禹母猴屬釋獸云寓鼠曰擘郭注謂獼猴之類寄寓木上南山經云招搖之山有獸焉其狀如禺而白耳郭注禺似獼猴而大禺字音遇檀弓云公叔禹人蓋公爲字禹人取母猴之屬傳作務人務禹聲近通用

公徒釋甲執冰而踞注櫝丸蓋或說櫝丸是箭筈其蓋可以取飲疏賈逵云冰櫝丸蓋則是相傳爲此言也按說文云棚所以覆矢也从手朋聲詩曰抑釋棚忌毛傳棚所以覆矢也蓋冰爲棚之假字此疏旣知棚與冰字異音同是一器而不

能決爲假用

意如之事君也注意如季平子按釋鳥有鷓鴣當作意而古人讀而爲如意如之義本此戰國有宋如意漢有趙王如意亦卽意如之謂

榻部所以藉榦者注榻榻棺中笈牀也榦骸骨也按說文云榻部來木也从木扁聲春秋傳曰榻部薦榦方言牀其上版衛之北郊趙衛之間謂之牒或謂之牒牒當作榻部爲榻之假字襄二十四年傳部婁無松柏說文引作附婁藉薦同聲通用幹亦斲之假字

二十六年傳鑿而乘于他車注一足行按說文云鑿金聲也从金輕聲讀若春秋傳曰鑿而乘他車蓋鑿爲金聲卽樂記

鐘聲鏗之鏗俗從堅也一足行本當用磬言如磬折之狀傳
文假鑿爲之故說文讀若云云磬古作磬从至輕亦從至故
得通用非卽以一足行爲鑿流俗不知別造从足之蹇反疑
傳本作鑿非也疏云擊金聲亦名鑿似猶未妙

使女寬守關塞注女寬晉大夫晉語韋注女寬女齊之子叔
裘按說文裘衣博裾从衣係省聲是裘爲衣寬博故名寬字
叔裘漢韓敕碑陰云王褒字文博孔宙碑陰云陳爽字聖博
貫瀆鬼神注貫習也瀆易也釋文本作慣云本作貫又作遺
同按說文云攢習也从手貫聲春秋傳曰攢瀆鬼神是攢爲
正字貫爲假字慣爲別字釋詁云貫習也郭注貫貫大也今
俗語皆然魏風云三歲貫女漢石經又作宦

二十七年傳夾之以鉞釋文及疏並引說文云鉞劍也按說文云鉞大鉞也一曰劍如刀裝者从金皮聲是鉞有二訓方言云鉞謂之鉞郭注今江東呼大矛爲鉞音彼急就篇云鉞鎔顏注鉞大刀也刃端可以披決因取名云史記高祖功臣表云長鉞都尉擊項羽有功此夾之以鉞疑訓大刀下云執鉞者夾承之又云鉞交于胸非劍也

二十八年傳子貉之妹也注子貉鄭靈公夷按說文云貉北方人豸種也夏官職方云掌四夷五狄六戎七閩八貉故鄭君名夷字子貉也

魏戍謂閩沒女寬晉語韋注閩沒閩明按沒之字明亦取相反之義

二十九年傳遂賦晉國一鼓鐵以鑄刑鼎注令晉國各出力其鼓石爲鐵計令一鼓而足疏服虔云鼓量名曲禮曰獻米者操量鼓取晉國一鼓鐵以鑄之按服說是也疏以鼓非大器唯用一鼓不足以成鼎殆未攷據曲禮疏引隱義云東海樂浪人呼容十二石者爲鼓則十二石之鐵自可鑄一鼎矣疏又云金鐵之物當稱之以權衡數之以鈞石寧用量米之器量之哉不知金鐵亦有以量數之者如斗金之類今人用石炭亦以殼量之也又鼓爲科之假字詳禮記疏記定元年傳榮駕鵝注駕鵝魯大夫榮成伯也按駕當作駟說文駟駟駘也从鳥可聲玉篇駟雁屬駟駘鳥也鴟駕並同漢書司馬相如傳云連駕鵝郭璞曰駕鵝野鴨也是駕爲鴟之

俗字

三年傳有兩肅爽馬注肅爽駿馬名疏釋畜于馬無肅爽之名爽或作霜賈逵云色如霜執馬融說肅爽雁也其羽如練高首而修頸馬似之天下稀有故子常欲之按馬說是也說文云鷦鷯也五方神鳥也東方發明南方焦明西方鷦鷯北方幽昌中央鳳皇从鳥肅聲鷦司馬相如說从安聲此作肅爽從省蓋馬固有以鳥名者如御覽引東方朔傳云蜚鴻華騶天下之良馬也又西京雜記云文帝自代還有良馬九匹一名紫燕是也

四年傳晴有煩言注噴至也煩言忿爭疏噴至賈逵云然是相傳訓也按說文云噴大呼也从口責聲讀或从言嚙高氣

多言也从口夔省聲春秋傳口噴有噴言是噴爲正字煩爲假字但噴訓爲至未知所云

其使祝佗從注祝佗大祝子魚按佗爲鮀之假字論語雍也憲問篇作鮀釋魚云鯨鮀舍人曰鯨石鮀也說文云鮀鮀也从魚宅聲故鮀字子魚

封父之繁弱注繁弱大弓名按說文弱橈也上象橈曲三象毛麓橈弱也弱物并故从二弓明堂位云封父之繁弱荀子性惡云繁弱鉅黍古良弓也

楚瓦不仁注子常名按常爲甞之假字說文云甞大盆也從瓦尙聲故甞瓦字子常

五年傳云陽貨將以瓊璠斂注瓊璠美玉君所佩釋文瓊本

又作與音餘疏璵璠是一玉名按說文云璠與璠皆之寶玉
从玉番聲孔子曰美哉與璠遠而望之與如近而視之瑟若
也一則理勝一則孚勝說文無璵字今有之者徐鉉所加惟
其無璵字故是疏止引璠字下傅說文又云瑜美玉與璵璠
異也與璠一玉說文所謂一則理勝一則孚勝者乃遠近之
別惠君補注云二玉非

告公山不狃注不狃季氏臣費宰子洩也按潛夫論云公山
氏魯公族爾雅釋木云泄多杻故不杻字子泄狃爲杻之假
字論語不擾擾杻一聲也

八年傳按衛侯之手及挽注按擠也血至挽按說文云按推
也从手交聲春秋傳曰按衛侯之手擊手擊也揚雄曰擊握

也从手取聲釋名云擊宛也言可宛屈也玉篇云擊於煥切
挽同急就簫捲挽顏注手臂之節也士器禮云設麗牲于擊
鄭注擊手後節中也古文擊作挽呂氏本味云述蕩之擊高
注擊讀如捲挽之挽漢書郊祀志云海上海燕齊之間莫不搯
擊游俠傳搯擊而游談師古曰擊古腕字是擊爲正字挽爲
假字腕爲別字

林楚怒馬按說文云馬怒也呂氏至忠文擊曰非怒王則疾
不可治高注怒讀如强弩之弩方言云弩怒也

九年傳皙憤而衣狸製注皙白也憤齒上下相值製裘也按
說文云齧齒相值也一曰齧也从齒責聲春秋傳曰皙齧是
憤爲齧之假字又說文云製裁也从衣制聲說苑徐恩云具

紵絺三百製是絺衣亦名製哀二十七年傳云成子衣製杖
戈注製雨衣是雨衣亦名製此云裘也本服注

十四年經於越敗吳于檣李注檣李吳郡嘉興縣南醉里城
釋文檣音醉按說文云檣以木有所擣也从木雋聲春秋傳
曰越敗吳于檣李公羊傳作醉里故杜注云醉李城檣醉同
聲假用

十四年傳還卒於陘去檣李七里按今嘉興六里街有吳涇
橋是其地

既定爾婁豬盍歸我艾猥注婁豬求子豬喻南子艾猥喻宋
朝艾老也按說文云婁空也从卅中女空之意也是婁爲中
空故曰求子豬猶今人言母豬矣艾不當訓老孟子萬章云

知好色則慕少艾楚詞大司命云撫長劍兮擁幼艾是少而非老也說文又云豶牡豕也从豕段聲史記秦始皇紀云夫爲寄豶索隱豶牡豬也言夫淫他室者若寄豶之豬艾豶猶今人言公豬矣

哀元年傳使大夫種因吳太宰嚭以行成高注呂氏春秋云大夫種字禽楚鄞人按種疑墮之假字禽擒通用

宿有妃嬙嬪御焉注妃嬙貴者釋文嬙本又作牆按唐石經作牆說文無嬙字當作牆也

二年傳鄭子姚子般送之注子姚罕達子般駟弘按姚爲邈之假故達字子邈說文云弘弓聲也从弓厶聲弓有往來之意故弘字子般

龜焦注兆不成按焦本作喪說文云爨灼龜不兆也从火从
龜春秋傳曰龜爨不兆讀若焦今蓋以讀若之字當之引傳
文加不兆二字疑出賈逵解詁書疏引六韜云卜戰龜兆焦
六年傳命公子申爲王不可則命公子結亦不可則命公子
啓注申字子西結字子期啓字子閭皆昭王兄按申爲西方
故申字子西期爲旗之假字曲禮云德車結旌故結字子旗
巫馬期字施亦假期爲旗也啓開也閭門也故啓字子閭也
闕止知之注闕止陽生家臣子我也按止足也我施身自謂
也故止字子我呂覽慎勢以闕止爲宰子高注宰子字子我
史記遂云宰我與田常作亂非也

以安孺子如賴漢書人表作晏孺子按晏與安雖通用然

子卽指荼安孺子于賴正對下遷孺子於駘也

殺王甲拘江說囚王豹于句賣之正注三子景公嬖臣荼之黨也按孟子云王豹處於淇而河西善謳王豹蓋以善謳而爲嬖臣也

八年傳何故使我水滋注滋濁也釋文滋本亦作茲子絲反字林云黑也按說文云茲黑也从二玄春秋傳曰何故使我水茲是茲爲正字史記屈原傳云不獲世之滋垢亦當作茲使太宰子餘討之注子餘太宰嚭按說文云嚭大从喜否聲春秋傳吳有太宰嚭蓋大者有餘之義故嚭字子餘也公羊作卽喜乃嚭之合聲楚詞九思云忌嚭專兮郢吳虛嚭卽嚭之壞形也

栳之以棘注栳雍也釋文栳本又作荐按說文云栳以柴木
離也从木存聲漢書翟方進傳云薦樹之棘師古曰薦讀曰
荐重也聚也栳爲正字薦爲假字師古說非

十一年傳孟孺子洩注孺子孟懿子之子武伯彘按說文云
彘豕也又云彘豕息也則彘當字息洩蓋息之假字

樊遲爲右注樊遲魯人孔子弟子樊須按說文云須待也从
立須聲場或从芻釋詁云須待也易歸妹九四云遲歸有時
釋文引陸續云遲待也故樊須字遲今從省

孟之側後入注之側孟氏族也字反按洪範云無反無側周
南云輾轉反側故側字反楚公子側亦字子反也

十四年經齊陳恆執其君實于舒州史記齊世家云田常執

簡公子徐州索隱徐字从人說文作邾並音舒按說文云邾邾下邑地从邑余聲魯東有邾城讀若涂又邾地名从邑舍聲玉篇云邾始居切春秋曰齊人取邾是邾爲舒之本字索隱以邾字當之誤矣

傳逢澤有介麋焉注介大也疏逢澤大處不應惟有一麋故以介爲大劉炫以爲一麋而規杜氏非也按劉說是也方言云畜無耦曰介秦誓云如有一介臣越語云一介嫡女一介嫡男猶今言个矣

十六年傳許公爲反祐按說文云返還也从辵从反反亦聲商書曰祖伊返復春秋傳返從辵今本春秋傳俱用反惟此一字舊本作返據說文則古作返

十七年傳良夫乘衷甸兩牡注衷甸一轅卿車疏甸卽乘也
四北爲甸甸出車一乘故以甸爲名是古者乘甸同也按說
文云佃中也从人田聲春秋傳曰乘中甸一轅車也是傳本
作中佃古者佃乘同聲故陳恆亦稱田常也

而奪其兄劓般邑按劓當作鄒說文云鄒宋地也从邑彘聲
讀若譏鄒當是埴之采邑故解爲宋地

二十三年傳其可以柎旌繁乎注繁馬飾繫纓也按繫當作
緜說文云緜馬髦飾也从系每聲春秋傳曰可以佃旌緜乎
緜或从鼻春官巾車云樊纓鄭注樊讀如盤帶之之盤謂今
馬大帶也禮器云大路繫纓一就疏馬腹帶俱用假字

二十五年傳君將設之注設嘔吐也釋文本作設按設當作

設說文云設歐兒从口設聲春秋傳曰君將設之是釋文所
本

爾雅疏記卷十一

簡莊疏記卷十二

海寧陳鏞謙

春秋公羊傳

元年公及邾婁僕父盟于昧釋文婁力俱反邾人語聲後曰婁禮記同左氏穀梁無婁字昧穀梁同左氏作蔑按說文云邾江夏縣从邑朱聲一曰魯有小邾國史記項羽紀云立芮爲衡山王都邾文穎曰邾音朱縣名屬江夏正義曰括地志云故邾城在黃州黃岡縣東南二十里本春秋時邾國邾子曹姓猶居至魯隱公遷斬是邾近南夷故曰邾婁猶吳曰句吳越曰於越彼句與於爲發聲此婁爲語聲後邾婁疊音也禮記檀弓亦作邾婁不同左氏蓋與公羊同爲六國時人後

儒謂檀弓係左氏弟子非也昧賤一聲之轉義亦相同左氏
文七年晉先蔑奔秦公羊亦作先昧

二年傳始滅昉于此乎注昉適也齊人語疏胡毋生齊人故
知之若鄭譜云然則詩之道放于此乎之類按五年傳云始
僭諸公放於此乎漢石經公羊昉作放鄭注攷工云旃讀如
放於此乎之放是放爲正字昉爲別體說文仿相視也从人
方聲漢書貢禹傳云亦相放效與此合

五年傳登來之也注登讀言得來登來之者齊人語也齊人
名求得爲得來作登來者其言大而急由口授也疏謂高語
之時猶言得來之至著竹帛時乃作登字故言由口授矣接
得登雙聲如同一从兌字从冎者作脫从卩者作鄞是也大

學云一人貪戾鄭注戾之言利春秋傳曰登戾之來戾亦雙聲公羊子齊人注每用齊人語與公羊不同鄭注亦每用齊人語而著竹帛又異

六年春鄭人來輸平輸平者何輸平猶墮成也何言乎墮成敗其成也左傳作淪平云更成也服虔曰公爲鄭所獲釋而不結平於是更爲約束以結之故曰淪平平猶成也成猶盟也按說文云淪變汚也从水俞聲釋言云淪變也郭注謂變易鄭風羔裘云舍命不渝毛傳淪變也是淪爲正義淪平謂變更復盟故左氏言更成也淪或作輸詛楚文云變輸盟刺廣雅云輸更也與此傳俱假輸爲淪後儒以輸平爲納成謬矣

八年三月鄭伯使宛來歸邠釋文邠鄭邑左氏作邠按穀梁傳云邠者何鄭湯沐之邑也說文云邠宋下邑从邑丙聲左氏作邠杜注邠鄭祀泰山之邑在琅邪費縣東南邠爲正字邠爲假字仿字或作倆古通用

公及莒人盟于包來釋文包來左氏作浮來按漢書楚元王傳云秦有儒生浮丘伯鹽鐵論作包丘子說文學一作包孚一作抱是包字通用也

桓二年傳若楚王之妻媼注媼妹也按說文云媼楚人謂女弟曰媼从女胃聲公羊傳曰楚王之妻妹廣雅云媼妹也一切經音義引纂文云河南人云妹媼也

四年傳秋曰蒐注蒐簡擇也釋文本作秋曰度云本义作搜

亦作蒐按穀梁釋文云蒐麋氏本又作搜說文云搜眾意也
一曰求也从手宐聲方言云搜略求也秦晉之間曰搜就室
曰搜于道曰略是搜爲正字度蒐俱假借也釋天云春獵爲
蒐夏獵爲苗秋獵爲獮冬獵爲狩此傳作春曰苗秋曰蒐冬
曰狩注不以夏田者春秋制也疏同禮春田謂之蒐何氏所
不取王制正義引何休廢疾曰運斗樞曰夏不田穀梁有夏
田於義爲疑鄭君釋之云四時皆用夏殷之禮詩云之子于
苗選徒鷩鷩夏田明矣孔子雖有聖德不敢顯然改先王之
法以教授於世若其有所欲改其陰書于緯藏之以傳後王
穀梁四時田者近孔子故也公羊正當六國之亡讖緯見讀
而傳爲三時田作傳有先後雖異不足以斷穀梁也

五年傳卒之悵也注悵者狂也齊人語按悵疑作倏說文云倏犬走疾也从犬攸聲讀若叔莊子應帝王云南海之帝爲儵北海之帝爲忽楚詞九歌云儵而來兮忽而逝並卽倏之誤

十有二年盪于殿蛇釋文殿正於反又音曲侯反蛇音莎又音池左氏作曲池按殿曲一聲之轉故曲逆讀作去遇池本作沱與蛇形聲俱近

十有六年傳屬負茲注屬托也天子有疾偁不豫諸侯偁負茲大夫偁犬馬士偁負薪疏皆漢禮之名諸侯言負茲者謂負事煩多故致疾按釋器云蓐謂之茲荀子正論云琅玕龍茲楊注龍茲卽今龍鬚席史記周本紀云衛康叔封布茲徐

廣曰茲者藉席之名然則負茲者猶云常在牀蓐今俗語壓席是也士卑稱負薪亦此意疏云負事煩多非也

莊元年傳於其乘焉擗幹而殺之注擗折聲也釋文本作臈幹云本又作臈亦作拉皆同按說文云協摺也从手荔聲一曰拉也玉篇云協同摺廣雅云摺折也是協爲正字摺爲俗字

七年傳不修春秋曰雨星不及地尺而復注不修春秋謂史記也古者謂史記爲春秋疏據此傳及注言則孔子未修之時已謂之春秋矣按左氏昭二年晉韓起來聘見魯春秋晉語司馬侯曰羊舌肸習于春秋楚語申叔時曰教之春秋皆在孔子前所謂不修春秋也

十有二年傳萬臂撥仇牧注側手曰撥按說文云扶笞擊也从手失聲傳蓋假撥字爲之而傳誤作撥耳

十有七年傳齊人讖于遂讖者何積也注讖者死又讖之爲積尸非一之辭故曰讖積眾多也釋文讖二傳作讖積木又作漬按說文云讖漬也从水讖聲漬漚也从水責聲是漬爲正字疏本作漬故引曲禮云四足曰漬鄭注漬謂相讖汚而死也

二十有二年傳肆大省肆者何跌也大省者何災省也何注跌過度釋文肆本或作佚大省二傳作省跌過度也疏肆讀如同放肆也省讀如減省之省也按說文云消少減也減損也是消爲正字省省俱假字說文云跌踢也从足失聲一曰越

也漢書揚雄傳云爲人簡易佚蕩張晏曰佚音鐵蕩音濞晉灼曰佚蕩緩也是佚蕩卽跌踢故云肆者何跌也本或作佚也穀梁傳作失失佚古通用

二十有八年傳春秋伐者爲客伐者爲主注伐人者爲客讀伐長言之齊人語也見伐者爲主讀伐短言之齊人語也疏公羊子齊人因其俗可以見長短故言此按長言短言曼聲急聲之謂後人音分動靜本此

冬築微釋文微左氏作麋按釋水云水草交謂之麋郭注引詩曰居河之湄今小雅巧言云居河之麋釋文麋本又作湄左氏僖二十八年傳云余賜汝孟諸之麋寰字記云虞城孟諸澤俗呼爲湄古室古眉字或作麋大戴禮立言云孔子桴

然揚麤荀子非相云伊尹之狀面無須麤鐘鼎文眉壽作麤壽是湄爲正字麤爲假字麤微聲近故又作微

三十年傳蓋以操之爲已蹙矣注蹙痛也按攷工輪人云凡察車之道不微至無以爲戚速也鄭注齊人有名疾爲戚者春秋傳曰蓋以操之爲已戚矣疏鄭氏以戚爲疾與何別按說文云戚蹙也从心戚聲小雅小明云自詒伊戚左傳引作蹙蹙即戚之變體蹙又蹙之別體鄭所據傳本从省作戚與

詩同

閔二年傳或曰自鹿門至于爭門者是也或曰自爭門至于吏門者是也釋文鹿門魯南城東門也按說文云淨魯北城門沱也从水爭聲是淨爲正字爭爲从省鹿門爲魯南城東

門淨門爲北城門也

僖元年傳於是抗軻經而死注軻小車轅冀州以此名之云耳疏鄭氏云慶父軻死者正取此文按檀弓疏引鄭注論語云慶父抗軻偁死時人爲之諱故云孟氏此蓋論語孟氏使陽膚爲士師之注公羊疏正取注文誤衍偁字或係經字之誤

二年傳荀息請曰以屈產之乘與垂棘之白璧注屈產出名馬之地垂棘出美玉之地按疏謂屈產地名不似服氏謂產爲產生也按趙注孟子亦作屈地所生之良馬與服注左傳合何說非垂棘之棘疑作琰說文云琰玉也从玉刺聲蓋垂地產琰玉爲璧也釋文棘一本作棘音同棘乃俗字耳

四年傳卒帖荆注帖服也釋文帖一本作貼服也劉兆同廣雅云靜也玉篇又丁簞反一本作拈或音章貶反按一切經音義引聲類云題賦曰帖通俗文同又引字詁云帖今作撲同佗頰反王逸楚詞敘云義多乖異事不妥帖蓋帖爲正字帖貼俱俗字拈撲亦非此義也

十年傳踊爲文公諱也注踊豫也齊人語若關西言渾矣按說文云踊跳也从足甬聲渾混流聲也从水軍聲玉篇云渾後昆後袞二切水漬涌之聲也踊渾聲相近

十有六年傳賈石于宋五按賈左穀作隕說文云碩落也从石員聲春秋傳曰碩石于宋五釋言云碩落也郭注碩隕也方俗語有輕重耳是碩爲正字賈隕俱假字耳下云賈石紀

聞聞其礪然釋文礪聲響也本或作砒穀梁疏云礪字說文
玉篇字林等無其字學士多讀爲砒據公羊古本並爲礪字
張揖讀爲礪是石聲之類不知出何書也按礪疑作質說文
云質雨聲也从雨眞聲讀若漬後人移从雨于員之上作質
而移从石于眞之旁作礪耳砒字說文亦無之

三十有三年傳必於穀之嶽巖釋文嶽苦銜反鄒誕生楮詮
之音上林賦並同徐音欽韋昭漢書音義去瞻反又本或作
厥同按穀梁作穀之巖崑之下是也說文云崑山之岑崑也
从山金聲是崑爲正字厥爲假字欽爲別字

文十有二年傳惟譏善埒言注譏淺薄之兒埒猶譏也
釋文譏尙書作截淺薄兒也賈逵注外傳云巧言也埒本或

作調皮免反又必淺反本作譏七全反又仕勉反按漢書李
尋傳云昔秦穆說談談之言任仡仡之勇王逸楚詞章句引
書云譏譏靖言俱與傳合靖與埒同說文于調字引周書曰
截截善調言與今本同又于茈字引周書曰茈茈巧言蓋用
賈逵說也

十有三年傳魯公燾注燾者冒也釋文徒報反一本作濤音
同冒也按作濤者是也燾乃俗字

十有五年傳筍將而來也注筍者竹篋一名編輿齊魯以此
名之曰筍釋文筍音峻篋綿反一音步賢反服虔音編韋昭
音如頰按說文云筍竹胎也从竹旬聲篋竹輿也从竹便聲
史記張耳陳餘傳云上使泄公持節問貫高篋輿前集解服

虔曰籜音編編竹本如今峻可以糞除也章昭音如頻反云
如今輿牀人輿以行漢書尹賞傳云便輿出瘞寺門桓東使
卽籜之省

宣三年楚子伐賁渾戎釋文賁舊音六或者奔二傳作陸渾
按賁依舊音當作噉卽睦之古文睦字从𠄎𠄎讀爲陸故睦
亦有陸音或音奔者誤也

七年傳蹠階而走注蹠猶超勦不暇以次釋文蹠丑略反與
蹠同一本作𠄎音同按說文云𠄎乍行乍止也从彳从止讀
若春秋公羊傳𠄎階而𠄎是𠄎爲正字蹠蹠俱俗字

呼癸而屬之疏謂呼而指屬之今呼犬謂之屬義出於此按說文云
𠄎呼雞重言之从𠄎州聲讀若祝此屬亦其類左氏傳作𠄎

說文云嗾使犬聲从口族聲嗾屬音亦相近也

祁彌明逆而跋之注以足逆彌曰跋當爲爰按跋說文云爰行爰爰也从人允聲釋言云逡退也郭注逡巡卻退也亦卽爰之俗字

十有二年傳古者杵不穿注杵飲水器釋文杵音于疏其音于若今馬孟矣舊說云杵是杵字若今食幣矣今音于則舊說非按急就篇云楸杵槃案栝間盃注杵盛飯器也一曰齊人謂盤爲杵蓋杵卽孟之假字故云若今馬孟矣舊說杵是杵字者杵爲帚之假字說文云帚囊也今鹽官三斛爲一帚故云若今食幣俱據六朝時物而言也

成二年傳與我紀侯之顛注齊襄公滅紀所得顛邑其土肥

饒欲得之或說甌玉甌疏或說云甌玉甌者蓋以左傳云路以紀甌玉磬又別言與地明甌是器名非地名故以玉甌解之按或說是也說文云甌甌也下云反魯衛之侵地方指地襄七年傳鄭伯將會諸侯于鄆釋文林鄆于委反字凡次反按左氏傳云公會諸侯于鄆杜注鄆鄭地穀梁釋文鄆本又作隄說文云隄鄭地阪也从自爲聲春秋傳曰將會鄭伯于隄是隄爲正字

鄭伯髡原何以名傷而反未至乎舍而卒注云爾者古者保辜諸侯卒名故于如會名之明如會時爲大夫所傷以傷辜死也君親無將見辜者辜內當以弑君論之辜外當以傷君論之疏其弑君論之者其身梟首其家執之其傷君論之者

其身斬首而已罪不累家漢律有其事然則古者亦依漢律
之文多依古事故知然也按急就篇云痲瘡保辜讞呼號注
保辜者各隨其狀輕重令毆者以日數保之限內致死則坐
重辜也說文云嫖保任也从女辜聲是嫖爲正字辜乃从省
也

十年盜殺鄭公子斐釋文斐左氏作駢按左氏襄八年傳云
駢也受其咎杜注駢子駟名說文云駢驂旁馬从馬非聲駟
一乘也从馬四聲小雅四牡云四牡駢駢采菽云載驂載駟
疏引王肅云古者一轅之車駕三馬則五轡夏后氏駕兩謂
之麗殷益一駢謂之驂周又益一駢謂之駟駟者一乘駟馬
兩服兩驂是也又小戎箋云驂兩服也疏車駕四馬在內兩

馬謂之服在外兩服謂之駢春秋時鄭公子駢字子駟是有駢乃成駟蓋駢爲正字此傳及穀梁作斐假字也

十有四年傳鄭公孫蠶釋文蠶二傳作蠶按蠶字子蟻說文云蟻毒蟲也从虫喬聲蠶毒蟲也象形蠶或從虫是蠶爲正字蠶爲或體蠶爲隸變此作蠶又假字也鄭公孫蠶字子蟻齊公孫蠶字子尾同

十有六年傳君若贅旒然注旒旂旒贅繫屬之辭若今俗名就婿爲贅婿矣釋文贅本又作綴繫屬也旒本又作流旌旗之旒也按說文云綴合箸也从彡从糸游旌旗之流也从从汙聲是綴旒爲正字贅爲假字旒爲俗字商頌長發云爲下國綴旒鄭箋旒者旗之垂者也至贅自爲贅婿之贅說文云

贅以物質錢从敖貝敖者猶放貝當復取之也漢書賈誼傳云家貧子壯則出贅師古曰贅質也家貧無有聘財爲質也釋名云贅屬也橫生一肉箸體也廣雅云贅疣也亦假贅爲綴

二十年陳侯之弟光出奔楚釋文弟光左氏傳作弟黃按說文云光明也从火在人上光明意也芟古文又云黃地之色也从田从芟芟聲芟古文光彘古文黃是黃本从芟故得通用堯典光被四表亦作橫被淮南原道訓云橫之而彌于四海高注橫讀桃車之桃戴吉士云橫光聲相近故漢人偶橫門爲光門後世猶沿其舊矣

二十有九年傳飲食必祝注祝祭祝也論語曰雖疏食菜羹

瓜祭是也疏言雖疏食菜羹及瓜質薄之物亦必祭其所先按論語鄉黨云雖疏食菜羹瓜祭必齊如也集解孔曰三物雖薄祭之必敬也釋文引鄭注魯讀瓜爲必今從古玉藻云瓜祭上環疏食瓜必祭先也是古有瓜祭之禮瓜必形近故古魯異讀此何氏讀亦從古與鄭合也

昭五年叔弓帥師敗莒于濇泉濇泉者何直泉也直泉者何涌泉也釋文濇泉左氏作蚡泉穀梁作賁泉按說文云濇水厓也从水賁聲詩曰敦彼淮濇是濇爲正字賁爲从省蚡爲假字釋水云濇泉正出正出涌出也郭注公羊傳曰正出正出直出也蓋濇泉卽濇泉故郭引以爲證

二十有一年傳南里者何若曰因諸者然注因諸者齊故刑

卷之三
一
人之地公羊子齊人故以齊喻也疏舊說云卽博物志云周
曰囹圄齊曰因諸是也按急就篇云卒吏歸誠自詣因注因
就也

二十有五年傳昭公於是噉然而哭注噉哭聲兒感景公言
而自傷按說文云噉高聲也一曰大呼也从噉以聲春秋公
羊傳曰魯昭公噉然而哭是噉爲正字噉爲別字天官雞人
云夜擘以噉百官鄭注呼旦以驚起百官使夙興

以人爲菑注菑周埒埒垣也所以分別內外衛威儀今大學
辟雍作側字按側疑作塼說文云塼遏遮也从土則聲以人
爲塼言照公以人相遮也何本作菑者塼菑聲近假用也後
漢書儒林傳云休精研六經世儒無及者太尉陳蕃辟之與

參政事蕃敗乃作公羊解詁賈思不闕門十有七年鱸攷蕃
誅于靈帝建寧元年又七年爲熹平四年始立石經休於是
時正作公羊解詁則所指太學辟雍之字其爲一字石經無
疑

定元年傳主人習其讀而問其傳注讀謂經傳謂訓詁按說
文云讀誦書也文王世子云冬讀書典書者詔之左氏昭元
年傳云讀舊書加于牲上而已

不蓑城也注若今以草衣城是也釋文本作蓑云一或作蓑
一或音初危反按說文云蓑草雨衣秦謂之草从衣象形叢
古文蓑是蓑爲正字蓑爲俗字今之築牆者以草被之猶曰
牆蓑漢書五行志董仲舒以爲宋仲幾無尊天子之心而不

衰城師古曰衰城謂以差次受功賦也非

定四年傳朋友相衛而不相迥注迥出表辭猶先也釋文迥音峻又音巡又彡偏反先也按迥當作約說文云徇行示也从彡勻聲司馬法斬以迥釋文音巡者是

八年傳云龜青純注純緣也謂緣甲額也千歲之龜青髯明於吉凶按說文云龜龜甲邊也从龜林聲是龜爲正字額羃俱誤字也樂記云青黑緣者天子之寶龜也雜記云輔有祿祿卽龜

哀六年傳開之則闐然公子陽生也注闐出頭兒釋文闐丑鳩反又丑正反一音丑今反見兒按說文云覲暫見也从見炎聲春秋公羊傳曰覲然公子陽生是覲爲正字闐爲假字

廣雅云覲見也

十有四年傳祖之所逮聞也漢石經逮作逕按釋詁云逮逕也中庸云所以逮賤也釋文逮本又作逕同方言云迨逕及迨東齊曰迨關之東西曰逕或曰及說文云逕迨也从辵眾聲二字通用